

晚晴移诗匯

第二八册

晚晴移詩圖

卷二
一

晚晴簃詩匯卷七十一目錄

劉綸

十首

潘安禮

一首

諸錦

十六首

于振

一首

杭世駿

四十五首

楊度汪

一首

陳兆崙

十七首

劉藻

六首

沈廷芳

四首

陳士璠

二首

齊召南

十三首

周長發

六首

朱荃

二首

張漢

三首

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

晚晴移詩匯卷七十一

徐世昌

劉綸字脊涵號繩庵武進人諸生乾隆丙辰召試博學鴻詞授編修官至文淵閣大學士贈太子太傅諡文定有繩庵內外集

詩話文定家本舊闕力學敦行舉鴻詞第一致位宰輔風度端謹與諸城劉文正同在政地負一時清望人稱南北劉中堂以擬明之三楊居憂歸里不乘輿名東不作大字尤廉介至老無第宅後人賃屋以居初試日賦題五六天地之中合日未午最先就張文和監試取其卷朗誦以式多士詩題山雞舞鏡世傳關字韻羣推其工雅茲從集中得其全篇錄此詩曰文禽自是饒珍致舞入銀華意更閒乍啟雕籠驚的爍旋開寶匣訝磷燐窺奩尙憶寒潭上拂綬還疑夕照間似擬投林齊戢戢可能對語便關關風翻錦翼才飄袂日映花冠更整鬟垂手婆娑矜獨立回身綽約喜雙攀七轡縱說當筵易百疊應知赴拍艱此日遷鶯同山谷當時介雉共棲山稻粱不分爭先啄似棘何心悔久踰虛翠乍交宮樹色空花徐蹴苑苔斑

月明漫繞依枝鵲雪滿徒迴矢素鵬
冰鑑倘容長耀采微翎雖倦豈知還

窩集行恭和聖製元韻

一髮無崇岡一掌無大陸美哉洵吉林得地皆灌木木生
太古閱世頻有若鼻祖見耳孫號爲窩集鉅細別茲山絕
特尤離羣傍厓誰闢土囊口巨靈前驅五丁後密蔭翩疑
鸞鵠停繆枝瘦似蛟蛇走爾時霜氣渲紅青倪黃小橐無
能名又如擁塗萬旂纛靈威護輦良可徵清音上度迦陵
鳥遙光下發岱輿草脫葉羅疎訝雨花馬頭亂點人爭道
虛翠沾衣不知處蒼荀優曇本無樹兩九日月東復西溟
濛一炁惟仙霧春秋八千孰推此眾香國擬無遮比不材
木植何有鄉大海微漚能著幾就中松塔多離奇巍巍七
級知誰爲盡斫根柯求粟粒落實棄材奚取斯出山共詫

鬚眉清袖中謾謾天風聲佳境目食苦難寫齷齪空慚拾
橡行

曉行恭和聖製元韻

黃纛舒舒送曉晴鷁亭高下辨初程風前馬意歸途熟雪
後山容客眼橫半塢綠陰新樹暗三竿紅日遠帘明扈游
物色真如畫畫裏還教覓句行

唐時回銅器恭和聖製元韻

高衡敦鬲廣槃匱回部初通紀范時今日爲收甌脫兆當
年或賽蹕林遺兩言已可雷紘辨九譯猶難鏤錯知效費
應同帝青鉢俘餘金像薄車師

題惠山僧明中湖干送別畫

南游不得意秋色滿湖濱別袂千衰柳歸帆一斷雲山僧

曉晴雜詩圖卷十一
新粉墨倦客舊知聞誰付性公法鑪灰換夕熏

撲滿

蟠其腹緘其口上如覆盎下如日匪卮而漏餅而守小兒
寶之比錢藪使我空囊日見醜瘦妻笑撲手急爲小兒剖
今日餒餽餽飫百不有他日逡巡與耶試取酒漢銛前唐
甌後肖物于茲得八九那知周廟間欹器垂銘久格人元
龜甯爾咎且待朝來廩餼關恣爾高擎畫叉走

望縣山

落日在馬首山色青縣縣上有禁煙樹下有旌善田五蛇
一乾腊明信夫何愆遺榮怨未平矯時或過焉我欲望南
山徑路抑已偏我欲望北山猿鶴還可憐不才愧持祿文
身以貪天振策遵前途空歌招隱篇

折柳歌送從叔穰塍先生之粵東幕

折柳復折柳柳凍不成條
堠亭風雪斷行跡何來一騎隨
盤雕前年蜀岡今海徼
有家如寓還空僑到門空博兒女
笑慳囊不救長嘯號袖中漫滅貴人刺
嫁衣辛苦酬知交
校勘曾從流內選
選人持牒騰呵嘲
搖頭聳肩服詩械之
才豈合供僉曹僉曹未得求幕僚
廡下恩恩重打包我聞
羅浮之山足仙種
麻姑五色裾飄飄
又聞合江之門富嘉
樹玉奴雪肌開絳綃
先生壓裝尠長物壯
游萬里收吟瓢
趙尉叢臺已砂礫
虞卿別苑仍蓬蒿
韓公蘇公不可作殘
碑剩碣留爬搔
依人自古無特操
履綦喜伴仙人喬
時與
定安

王麗三
明府偕行

惠州飽飯洵可樂
蜚船試采珠孃謠

浮漚篇同宗室塞曉亭閣學賦

銅虬咽清晝驟雨鳴濺濺攬衣循廣墀寂照生寒煙乍疑
玉女箭當窗逞駢闐旋訝鮫妾珠入掌爭蟬聯因風倏變
現幻影相夤緣我聞香海潮迴一彈指三山浮動驚頑仙
以無明故作水觀畫空得界成中邊本來無受詎有觸物
間之物圓間圓針鋒栗顆絕思議印可未得知聞懸妙手
煩公碎虛白覆杯滌盡劫堂甌晶簾高軸玉壺淨照座但
有真如篇

王文成斷碑硯歌

談兵早佩威甯劍謫官獨抱端明硯端明匪硯是斷碑割
剩天邊紫雲片十二字餘墨妙詩節角依然露生面丞哉
丞哉定誰負鐫名鈴印相矜銜蠻煙瘴雨久沈霾重捫十
指精神見乃知古之學道人定力非關出研鍊君不見江

岸衣冠匿影過幾曾寥廓扞虞羅厥後大功潰成九華坐
聞召卽至回譴訶此時此硯百徧憑摩挲想當下南昌檄
書快意蠲宿疴及其歸陽明語錄微指醒羣魔而於學道
之人一一若無預儒林將相史策空分科何來高第弟子
入室還操戈逆闖固無論張桂庸足苛只合攜持二松四
槐日對哦請因公硯質疑義石不可轉墨可磨

柳色次英夢堂卽席元韻

嫩麴塵看淨業銷栖鴉憶賦最柔條卅年人老尊前酒一
月春賒陌上簫山水清音公自領煙霞錮疾我應饒歸途
驄馬隨司隸獨苦頭風氣不驕

潘安禮字立夫號東山南城人雍正丁未進士歷官刑
部員外郎降太常寺典簿乾隆丙辰召試博學鴻詞

授編修遷左諭德有東山草堂集

乙卯歲暮遣興

僂指爲郎近十年當關紙尾浩如煙流光青鏡驚霜鬢素業緇塵委石田只合巢書消二六敢誇奏牘滿三千山公題目增顏甲策鈍新添勸學篇

諸錦字襄七號草廬秀水人雍正甲辰進士官金華教授乾隆丙辰召試博學鴻詞授檢討歷官左春坊左贊善有絳跗閣詩橐

詩話草廬博學好古勤蒐耋耆舊著作輯浙人詩凡十二冊題曰國朝風雅法梧門謂其作詩好徵典如白日午不到清齋人獨醒二句則居然王孟之遺

讀孟郊詩

東野窮不徹五十得一官行吟狎簿書出郭不整冠咸池

三百篇風景擢古肝或言層冰清亦謂萬松乾我疑蒼龍
精颯颯照匣寒

南天竺三生石

疎竹雨添翠遠峯秋更青來尋石門礪未識香林亭白日
午不到清齋人獨醒葛洪有丹井乞取問修齡

積雨

幾日不行小徑微牆上綠徧莓苔衣已涼枕簟坐無寐瞥
見草中螢火飛

吳儂結宅臨江濱買魚論斗酒論斤昨夜水添剛一尺網
魚沽酒請比鄰

水中閣閣私蝦蟇巢底翻翻飢老鴉高荷大芋聽來厭愁
滴芭蕉燭影斜

周梅墟墓

白苧村中處士廬梅花繞屋最扶疎
襄陽耆舊曾偕隱元晏先生但貯書
早韭晚菘誰料理悲風宿草動歔歔
鹿門題跋華亭讚畫像惟留孫雪居

鄭谷口八分書

谷口鄭氏書何奇以心喻手手自隨
天機所到忘蛇虺尾薤葉飄雲旗
有龍矯矯掀之而高堂晝寒噓風雷
山頭鶴鶴奮欲飛墮下仙翮紛皚皚

太學釋褐觀石鼓因讀韓蘇二詩同
同年李巨州作

一百韻

京城高言言首善惟太學雍正二年
冬循例初釋屬陳君三百輩奠幣森
有恪祭酒王先生

紹新

端拱容毋作紆紳

冠峩峩逢掖謝表褻堵牆橋門列觀聽動飛躍文翁圖禮
殿方此猶寂寞朝旭射棠梨清光蔭松柏稽古觀車服遺
跡懷履舄琬琰堂塗碑肉好宗廟壁瑚簋籩豆登尊罍彝
洗濯灑離鼓馨巢簫篴筳筵爪目鱗之而牙羽荀簾業
摩挲鼎鼐古鏤金錯忽于重檐下十鼓煥丹腹其形
像古礎其色類深墨其圍倍膚寸其修崇二尺其一列中
央半體不覆幕有如無足錡左右曾采芼其九互行列耦
俱善標格有如瞿容客貫坐慰離索宛虹尾卷舒瓊樹柯
連屬鸞鳳騫復留虎駁怒欲脫鐵絲妙縈盤蓴菜垂絡繹
活師戲食水肥遺出渾夕疎如屯千騎密不容一髮不可
意減增諸天方丈室不能評肥瘦豐肌細腰匹長短本自
然足鳬與脰鶴東西兩得勢越阡兼度陌百幅百碑磔一

字一縑帛治水已淪胥吉日付飄泊衛州銅盤傾延陵墓
碣剝詛楚復何有宣和空寶惜獨此表中興大蒐深刻石
瓊瑋誰鑄辭傳是史籀作尙想周宣王功德南海薄江漢
常武詩車攻六月什仲山以袞補方叔以亂撥張仲善孝
友吉甫詩孔碩程伯整六師召公洽四國載誦鴻雁篇度
比金玉式勳勞宜有頌貞珉代典籍不有秦嶧山野火焚
石闕德薄其文慚合爲天所撲誰夫證斤權毆忬太穿鑿
薺堂斷字文如以瞽手摸叩槃捫燭見考據都未確詞嚴
不可刪風味加質慙轉注潘鄭薛其書愈噩噩區區君庶
柳何足窮狀貌表之自蘇勗得韓乃煜燭宛陵倍雷礪眉
山益恢廓我思昌黎翁所見僅紙拓闌風長雨夜豐草深
榛藉疲行人坐尻掉尾牛礪角蝸涎腥點點原燎炎熇熇

鼓兮獨無恙倘有神物護鳳翔收餘慶五代更流落賴有
司馬池太廟十駝橐南渡委草菅鉤金棄若若道園端好
古收拾絲纏玃大厦廣與庇石闌周與絡椎搨所不到講
切手磨琢入門探古物疑義發先覺鼓兮何淒涼顯晦亦
凡數譬如清流濟洑見至綿邈譬如延平劍會合固如昨
星霜更幾劫靜正抱蹇諤顛蹶任羸劉聚散無主客菁英
不銷亡著述欣有託名世五百年皇帝億萬朔河鼓正吐
芒九鼎飛出洛天苞與地符諸福休徵各豈止翩翩鳴岐
山一鷺驚風雲際時會喜起昇平樂文德書鍾彝武事鐫
鉦鐺征伐表鉞旄蒐獮樹山嶽文章稱爾雅訓詞汰糟粕
深厚追典誥詰曲妙咀嚼莫以鼓不鳴試取蜀桐斲叩之
定有聲淵淵配韶濩我衰筆力退分量不自度畫墁媿平